

COMPOSTELA ECO 2016  
Feira Ecolóxica Labrega  
Praza Roxa, 5-8 maio 2016

HORARIO DE APERTURA  
10:00 a 15:00 / 17:00 a 21:00h

Produto de alimentación certificado polo Consello Regulador de Agricultura Ecolóxica de Galicia (ou correspondente)

## BASES DE PARTICIPACIÓN

---

### 1. Compostela Eco 2016

Convocada pola **Fundación Santiago Centro, Área Comercial**, o centro comercial aberto do Ensanche de Santiago, **Compostela ECO 2016** celebrarase na Praza Roxa de Santiago de Compostela os días 5 a 8 de maio de 2016 (ambos incluídos), ponte da Ascensión, datas que destacan pola grande participación dos composteláns e residentes nos concellos limítrofes.

Nace co obxectivo de asentarse como unha Feira Ecolóxica Labrega estable na cidade de Santiago, capital de Galicia, centro dunha ampla área xeográfica de influencia e polo de atracción turística, co obxectivo de:

1. Crear un evento con vocación de futuro no que participen produtores e establecementos comerciais especializados de Santiago e comarca; e empresas de envasado de toda Galicia.
2. Dinamizar as rúas e prazas do Ensanche, atraendo a veciños e visitantes.
3. Poñer en valor as rúas e prazas do Ensanche como espazo de intercambio e lecer.
4. Atraer público da comarca.
5. Potenciar a actividade do comercio e a hostalería da zona.

**Compostela Eco 2016 consta de:**

1. **Exposición comercial** (venda ao público) baixo carpa, de alimentación ecolóxica certificada no que estarán representados 3 sectores:

- Produtores de proximidade: produtos de horta (fresco).
- Establecementos de venda polo miúdo de Santiago e comarca
- Empresas de envasado.

2. **Actividades de formación e debate:**

- Ciclo de conferencias sobre Alimentación Saudable, que terá lugar nos días previos á celebración da Feira.

3. **Alimentación Saudable: Espazo EcoGastro**

- Acordos con establecementos hostaleiros do Ensanche, para a oferta, durante a Feira, de pratos e tapas saudables elaborados con produtos certificados.
- Preparación *in situ* de tapas elaboradas con produtos certificados.

4. **Programa de Actividades**

- Durante a Feira, desenvolvemento de actividades de lecer e formación, dirixidas ao público infantil, sobre temas vinculados coa agricultura, o medio ambiente e a alimentación saudable.
- Actuacións musicais e de lecer dirixidas a todos os públicos.

Compostela ECO conta coa colaboración de **A Cesta da Saúde** e da **Asociación de Produtores Ecolóxicos Galegos, APEGA**.

# BASES DE PARTICIPACIÓN

A participación na Feira Compostela ECO 2016 implica a aceptación destas Bases e das decisións que tome a Organización, en beneficio do evento.

## 1. DATAS, LUGAR E HORARIOS

---

Compostela ECO 2016 celebrarase os días **5, 6, 7 e 8 de maio** na Praza Roxa de Santiago de Compostela. A mostra realizarase baixo carpa.

O horario de apertura do recinto ao público será das **11:00 as 15:00h. e das 17:00 ás 21:00h.**

No caso de forza maior, ou se non se acadan obxectivos, a Feira poderase anular sen que os expositores poidan realizar reclamación ningunha por danos a causa da anulación.

## 2. EXPOSITORES

---

### 2.1. PARTICIPACIÓN

- a. Para poder participar como Expositor, os interesados deberán formalizar unha Solicitud antes das 22:00h. do día 20 de abril de 2016.
- b. Non se aceptarán solicitudes remitidas fóra do prazo establecido.
- c. A Organización resérvase o dereito de pechar a Convocatoria antes do día 20/abril/2016, se antes se cobren todas as prazas dispoñibles para a Feira.
- d. A Organización recibirá e analizará as Solicitudes e responderá aos interesados sobre a súa participación a máis tardar o venres 22 de abril de 2016.
- e. A selección realizarase en beneficio do conxunto da Feira, valorándose a calidade e variedade dos produtos a expoñer. Os expositores que non resulten seleccionados pasarán a formar parte dunha Lista de Agarda, que será utilizada en caso de baixas e cancelacións.
- f. Nos sectores de Produtores e Establecementos polo miúdo terán prioridade aqueles con domicilio fiscal en Santiago de Compostela e concellos limitrofes.
- g. Todos os produtos/alimentos que se expoñan e se poñan á venda deberán contar coa correspondente certificación do CRAEGA (ou correspondente, se se trata de produtos de fóra de Galicia). Esta norma rexe tanto para os produtores como para os establecementos de venda polo miúdo, que deberán demostrar que están certificados; e tamén para as empresas de envasado, que deberán estar adscritas ao CRAEGA.
- h. A organización resérvase o Dereito de Admisión.
- i. No momento de cumprimentar a Solicitud de Participación, os expositores deberán facer unha relación dos produtos que expoñerán/poñerán á venda na Feira; e acompañar fotografías de calidade, para seren utilizadas nos distintos formatos de publicidade e promoción da Feira (captación de público).
- j. A Organización poderá excluír do Mercado, ou retirar total ou parcialmente os seus produtos, a aqueles expositores que non cumpran estas Bases canto aos produtos expostos e/ou á venda; ou que non colaboren para favorecer o desenvolvemento do evento.
- k. Os expositores non poderán ceder o seu espazo, nin total nin parcialmente, a outros produtores, tendas ou empresas.
- l. Os expositores informarán á Organización do tipo de montaxe que van realizar.

### 2.2. CUMPRIMENTO DE OBRIGAS

- a. Todos os expositores deberán cumprir rigorosamente as normativas vixentes en materia laboral, tributaria, de hixiene e de autorizacións para a manipulación de alimentos. Os expositores asumen toda a responsabilidade. A Organización non será responsable das irregularidades que, neste punto, poidan incurrir os expositores.
- b. Asemade os expositores contarán con seguro de Responsabilidade Civil con cobertura para a súa participación na Feira Compostela ECO 2016; ou asumen expresamente a Responsabilidade Civil de calquera incidente ou incidencia que teña que ver directamente coa súa participación na Feira.

### 2.3. PREZOS E FÓRMULAS DE PARTICIPACIÓN

- a. Os **produtores** poderán participar na Feira ben as catro xornadas que dura a Feira, ben en quendas de dous días consecutivos. Deberán indicar na Solicitud de Participación as datas nas que desexan participar.

A tarifa de participación para os Produtores é de 10,00 €/día:

- A tarifa para participar nas catro xornadas da Feira será de 40,00€.
- A tarifa para participar en dúas xornadas consecutivas será de 20,00€

- b. Os **establecementos de venda polo miúdo** (tendas) poderán participar ben os catro días que dura a Feira; ben as dúas xornadas festivas (xoves 5 e domingo 8 de maio). Deberán indicar na Solicitud de Participación as datas nas que desexan participar.

A tarifa de participación para as tendas é de 25,00€/día:

- A tarifa para participar nas catro xornadas da Feira é de 100,00 €.
- A tarifa para participar os días 5 e 8 de maio é de 50,00 €

- c. As **empresas de envasado** poderán participar os catro días que dura a Feira.

- A tarifa de participación para as empresas de envasado é de 25,00€/día, total 100,00€

### 2.4. RESERVA EN FIRME E ABONO DAS COTAS DE PARTICIPACIÓN

- a. Unha vez aceptada a Solicitud de Participación, a reserva de espazo non será firme ata a sinatura do Contrato de Participación e máis o ingreso do total da cota de participación, obrigatoriamente antes do día 27 de abril de 2016.
- b. Se por motivos propios da Organización se decide suspender a Feira, aboarase aos expositores a cota de participación íntegra.
- c. Se por causa de forza maior (motivos alleos á Organización) se decide suspender parcial ou totalmente a Feira, non se reintegrarán as cotas de participación.

### 2.5. DOCUMENTACIÓN

- a. Adxudicados os espazos, para poder participar é imprescindible remitir á Secretaría Técnica de Organización ([arteeco2016@versalscq.com](mailto:arteeco2016@versalscq.com)) a documentación que segue:
- Copia DNI ou C.I.F.
  - Certificado ou xustificante de epígrafes do I.A.E no apartado correspondente (se corresponde).
  - Rexistro sanitario (se corresponde).
  - Xustificante de estar certificado no CRAEGA (ou organismo similar)
- b. É responsabilidade directa dos expositores o estrito cumprimento de todas as normativas referidas á venda polo miúdo, liquidacións e saldos, así como a normativa laboral e obrigas tributarias. Os expositores teñen (ou asumen) seguro de cobertura da Responsabilidade Civil durante as xornadas que participan na Feira.

### 2.6. ESPAZOS, HORARIOS DE MONTAXE, HORARIOS DE APERTURA

- a. A Organización distribuirá os espazos co único criterio de beneficiar ao conxunto da Feira e de facilitar o tránsito do público asistente pola totalidade da carpa.
- b. Estableceranse horarios de montaxe e recollida, que os expositores deberán respectar de xeito rigoroso. En caso de considerarse preciso, proporcionaranse pases para carga e descarga, no momento da montaxe e recollida de produtos.
- c. Os expositores deberán atermos aos horarios de apertura e peche da Feira ao público.
- d. Os expositores asumirán os danos que poidan causar a outros expositores, ao mobiliario ou as infraestruturas proporcionadas pola Organización.

### 3. PROMOCIÓN DA FEIRA

---

- a. A Organización responsabilízase da promoción da Feira.
- b. Realizaranse accións de promoción e/ou publicidade en redes sociais (Facebook e Twitter), e medios de comunicación (prensa escrita, radio e TV). Asemade editaranse materiais impresos (carteis, *flyers*) para a divulgación directa da Feira.
- c. Os expositores cederán á Organización fotografías de calidade, que serán utilizadas nos labores de promoción da Feira.

### 4. PROTECCIÓN DE DATOS

---

- a. Os solicitantes quedan informados e consenten expresamente que os seus datos sexan incorporados a un ficheiro para o seu tratamento automatizado relacionado cos fins exclusivos do obxecto da Solicitud. Os solicitantes poderán exercer os seus dereitos de acceso, rectificación, cancelación e oposición dirixíndose á Secretaría Técnica de Organización: Versal Comunicación, S.L., Xosé Chao Rego 8-10 baixo, 15705 Santiago de Compostela, [arteeco@versalscq.com](mailto:arteeco@versalscq.com)